

Swather-Tour

13. Mai

Mir sitzed jetzt scho fascht en Monät i eusere Garage fescht. Mached eini um di ander Maschine parad. Aber mir sind doch nöd wägem mechä da ane cho. Mir wänd **traktörle**, bis eus dOhre gwaglet. 😊

Zum Glück hämer a dem Friitig mal öbis dörfe fahre. Eusi Farm chaufft sich uf das Jahr en neue Swather und dünd zwei alti abstosse. Mir händ die dän chöne zum Dealer fahre. Mitemene 10 Meter breite Mähbalke musch also au da luege das nüd umfahrsch. Nach 2 Stund Fahrt und drüümal abbüge simmer scho det gsi.



Es isch Samstag

14. Mai

Alles hät doch so normal agfange. Mechä, Znüni und wider mechä... Aber ebe alles chund anders...

Am elfi auf einmal helli Uffruhr, Fүүriohhhh bim Cam sim huus. Mir sind sofort i euses Fүүrwehrauto gsprunge. (Bemerkung der Redaktion: Natürlich nur en normale Pick-up, aber suscht würds nöd so tragisch töne.) Mir händ scho vo wiitem gseh das hinderem Huus Rauch ufstieg. Dä Tommy dä ältischt Sohn vom Cam hät mitere Lupe es Fүүrli gstarted, wo sich dur dä stark Wind schnell usbreited hät. Mit usklopfe mitere Schuufle, häsch nur chöne Schadesbegrenzig mache. Mit em Frontlader hämer strockene Präriegras abtreit und händem Fүүr so dä Wäg abschniite.

Wis halt amel isch, isch euse Fүүrwehrmaa Dani erscht iidrudlet wo alles verbii gsi isch.

Zrug im Shop simer go Zmittag esse und nachane wider eusere Arbeit na. Will dä Dani natürlich kä Energie brucht hät, ischer chli mich go plage cho (sniff sniff). Ich han aber gar nöd lang gmacht. Kilian Wenger mässig hani dä Stucki Chrigel uf dä Bode gleid. Er isch nonig mal ufem Bode acho, hätter scho gseit das öbis nöd guet isch. Sin rechte Knöchel isch gröber agschwulle, und er hät nūme chöne druff stah. Am Abig simer dän is Spital uf Yorkton. Am Nüni simmer deht gsi und am halbi Drüü ide Nacht wider useglofe. Gmacht händs, eimal Rötgen, en Verband und e höchi Rechnig.

Säen im Akkord

16. -22. Mai

Juhhi es gaht los. Am halbi Sechsi ufstah, duurefahre bis am halbi Zehni, Znachtässe, Und dän öbe am halbi Zwölfi is Bett.

Eusi Arbeite: Stonepicke, Cultivator fahre, Spraye (meischtens bini gfahre, ziiitewiiss aber au nöd), Harrowe



Bis Glii

sCanada Team